

2

I Z V J E Š T A J

O RADU PREDSEDNIŠTVA SAVEZA GEODETSKIH INŽENJERA I GEOMETARA BOSNE I HERCEGOVINE

Predsjedništvo Saveza Geodetskih inženjera i geometara Bosne i Hercegovine od jubilarne Skupštine održane 6.10.1972. godine u Sarajevu radilo je prvenstveno na sprovođenju odluka i zaključaka jubilarne Skupštine i IV kongresa Geodetskih inženjera i geometara Jugoslavije.

Pored toga Predsjedništvo je svoju aktivnost usmjerilo na izvršavanje zadataka koje je pred naš Savez postavljalo Predsjedništvo Saveza Geodetskih inženjera i geometara Jugoslavije i Savez inženjera i tehničara Bosne i Hercegovine.

U ovom izvještajnom periodu Predsjedništvo je nastojalo da senjegova aktivnost odvijati po određenom programu i planu kao i na izvršavanju tekućih zadataka i problema. U tu svrhu osnovane su komisije za štampu, za unapređenje tehnologije u struci, za školstvo, za društvena priznanja i pohvale, za normativnu djelatnost kao i druge komisije koje su po potrebi osnivane.

Na osnovu podataka iz naših zapisnika može se konstatovati da je za ovaj izvještajni period Predsjedništvo održalo 20 sjednica Predsjedništva i isti ako ne veći broj sastanaka Sekretarijata. Za ovaj izvještajni period to je oko 4 sastanka Predsjedništva i Sekretarijata na godinu dana. U ovaj broj sastanaka nisu ušli sastanci komisija i ako su one bile vrlo aktivne.

Kao što se zna na jubilarnoj Skupštini u Predsjedništvo su izabrani slijedeći drugovi i drugarice:

1. Milišić ing. Božidar - Geodetski zavod - Sarajevo
2. Omerbašić ing. Ferid - Republička geodetska uprava
3. Koroman Božo geod. ing. - Katastarski ured - Ilidža
4. Bakšić ing. Mirsad - Geodetski zavod - Sarajevo
5. Savić ing. Rade - Geodetski zavod - Sarajevo
6. Mehmedagić ing. Mustafa - Geodetska tehnička škola
7. Krzik ing. Tomislav - Gradska Skupština Sarajevo
8. Šestić ing. Muhamed - Viša Geodetska škola
9. Korpić ing. Jože - Energoinvest Sarajevo
10. Rešidbegović ing. Rešid - Vojno Geografski institut -
- Sarajevo
11. Nišević ing. Čedo - Ured za katastar - Prijedor
12. Šiljak Ferid geod. ing. Ured za katastar - Goražde
13. Hadimerović Muhamed SO Centar - Sarajevo

14. Blata Muharem geod.ing. Ured za katastar - Vogošća
15. Vuca Nada Geodetski zavod - Sarajevo
16. Kološ Fikret good.inž. Geodetski zavod - Sarajevo

Prvu sjednicu Predsjedništvo je održavalo 11.12.1972.godine u Sarajevu. Na ovoj sjednici izabran je Sekretarijat Saveza u slijedećem sastavu:

Predsjednik	Milišić Božidar
Podpredsjednici	Omerbašić Ferid
	Koroman Božo
Sekretar	Kološ Fikret
Blagajnik	Hadiomerović Muhamed

Ova sjednica posvećena je aktiviranju rada Saveza preko podružnica kao i aktiviranje naučno-istraživačkog rada iz oblasti geodezije, Da bi se ubrzao rad na izradi normativnih akata na ovoj sjednici izabrana je i komisija za izradu normativnih akata i u tom smislu date su im određene smjernice i zadaci.

Predsjedništvo se jednoglasno složilo da se podružnici Sarajeva za njezin dugogodišnji i uspješan rad da kao nagrada specijalna plaketa. Zaključeno je da se na proširenom Sekretarijatu razmotri nastavni plan i program Geodetske tehničke škole u Sarajevu.

Slijedeće sjednice Predsjedništva bile su posvećene problemima razvoja visokog školstva Geodetske struke u BiH, finansiranju međunarodnog Geodetskog rječnika, izvještaju Predsjedništva SGIG-a Jugoslavije sa sjednice iz Bačke Topole, otkrivanju spomen-ploče heroja-inženjera i tehničara BiH kao i problemima oko formiranja jedinstvene Geodetske službe u gradu Sarajevu.

Na osnovu plodonosnih diskusija doneseni su određeni zaključci i data su zaduženja pojedinim komisijama i članovima Predsjedništva. Na sjednici od 12.4.1973.godine podneseni su izvještaji radnih grupa o izvršenju zadataka sa prethodnih sjednica, osnivanju podružnica i pripremama za održavanje Savjetovanja o inženjerskoj geodeziji u Mostaru. Na ovoj sjednici doneseni su odgovarajući zaključci i data zaduženja u vezi prikupljanja članarine, štampanju "Glasnika", osnivanju Geodetskog odsjeka na Gradjevinskom fakultetu u Sarajevu kao i osnivanje Savjeta pri Republičkoj geodetskoj upravi.

Na nekoliko sjednica Predsjedništva i proširenog Sekretarijata komisija za školstvo informisala je o svim problemima i poslovima koje je trebala uraditi u svrhu otvaranja geodetskog odsjeka i kao rezultat svih tih nastojanja svoj rad je krunisala uspjehom tako da je 19.oktobra 1973.godine

ovaj odsjek konačno otvoren.

Na idućim sjednicama Predsjedništva diskutovalo se o izvještaju sa III sjednice SGIG-a Jugoslavije, slanje delegata našeg Saveza na međunarodne manifestacije, pripreme Savjetovanja o inženjerskoj geodeziji u Mostaru, pripreme za izložbu i organizaciju posjete članova našeg Saveza izložbi geodetskih instrumenata. Osim toga na ovim sjednicama dati su prijedlozi za počasne i zaslužne članove SGIG-a Jugoslavije i SGIG-a BiH.

Na sjednici od 9.5.1974. godine zaključeno je da se snimi stanje geodetskog kadra u BiH kao i to a se pokuša organizovati vanredni studij na geodetskom odsjeku u Sarajevu. Takodje je podnesen i finansijski izvještaj o Savjetovanju iz inženjerske geodezije u Mostaru.

Na sjednici od 3.7.1974. godine u Predsjedništvo SGIG-a BiH kooptiran je Dr. Muminagić Abdulah jer je dosadašnji član Rešibegović ing. Rešid po službenoj dužnosti premješten u Beograd. Na ovoj sjednici posebno se diskutovalo o vrlo uspješnom i plodonosnom radu komisije za školstvo i predloženo je da se članovi ove komisije na odredjen način bar simbolično nagrade.

Na nekoliko narednih sjednica Predsjedništvo je razmatralo slanje delegata našeg Saveza na međunarodne manifestacije kao i saradnja sa radnim organizacijama i način finansiranja naučno-istraživačkog rada. Na tim sjednicama odredjeni su i delegati koji su prisustvovali sastancima drugih saveza odnosno njihovih odbora u zemlji i našoj Republici.

Iako se na nekoliko sastanaka komisije za školstvo diskutovalo o uvodjenju vanrednog studija na geodetskom odsjeku, broju časova, priznavanju predmeta i finansiranju vanrednog studija, nisu se postigli nikakvi konkretni rezultati.

Na sjednici od 5.5.1975. godine dati su prijedlozi za počasne i zaslužbe članove SIT BiH a takodje su date primjedbe na nacrt statuta SIT BiH.

Zaključeno je da se sve podružnice i radne organizacije informišu o nedjelji geodeta u Kelnu u cilju organizovanja posjete.

Na narednim sjednicama Predsjedništva izabrani su delegati našeg Saveza za odlazak na međunarodne manifestacije i zaključeno je da naš Savez u okviru svojih mogućnosti pruži materijalnu i drugu pomoć prilikom proslave 45-godišnjice diplomiranja geodetskih stručnjaka na Geodetskoj tehničkoj školi u Sarajevu. Takodje se je diskutovalo o izlaženju i finansiranju našeg lista "Glasnik" kao i slanju istog naročito podružnicama u unutrašnjost.

Na idućoj sjednici Predsjedništva na dnevnom redu su bile informacije sa VI sjednice Predsjedništva SGIG-a Jugoslavije kao informacije u vezi priprema za V kongres SGIG-a Jugoslavije. Na ovoj sjednici formirana je grupa članova Predsjedništva za obavještavanje i slanje poziva za V

kongres SGIG-a Jugoslavije a komisiji za normativnu djelatnost dati su zadaci u vezi priprema za godišnju Skupštinu SGIG-a BiH. Na narednim sjednicama Predsjedništva razmatrane su primjedbe na nacrt statuta SGIG-a BiH, primjedbe SSRN BiH na statut SGIG-a BiH, pripreme za godišnju Skupštinu i kao i slanje delegata našeg Saveza u Bugarsku i Čehoslovačku.

Zaključeno je da sve komisije Predsjedništva kao i sve podružnice našeg Saveza napišu izvještaje o svom radu i da ga dostave Predsjedništvu do 20. oktobra 1977. godine.

Na sjednici Predsjedništva od 19.10.1977. godine na dnevnom redu su bili : izbor delegata za Konferenciju SGIG-a Jugoslavije, prijedlog za počasne i zaslužne članove SGIG-a Jugoslavije kao i razmatranje normativnih akata SGIG-a BiH.

Za svaku sjednicu za koju je to bilo potrebno pripremani su pisani materijali a zapisnikom su utvrđene odluke i zaključci Predsjedništva.

KOLOŠ FIKRET, geod. inž.